



Eskul or Gónthí Bazibár Age

Waterloo Region ót endhilla ejénsi ókkol zetará cóñço fuwaindóre modot gore zetaráltú cúkcaikká zorurot ókkol asé ar fémilí ókkoloré eskul ot zaibélla modot goribélla eskul buúdh loi miliyóre ham goré. Tamám fémilí ókkolottú zorurot oódé maalumát ókkol fakka goribélla, eçé eggwá karwaiyi asé, zibá fottízon estemal goré. Uggwá manúc asé zibá fémilír modot gorát mazé muntú muntú táke ar manúc íbaré the Referral Source boli hoó.

Zodi fuwa laisèñ goijja fuwain dekbál goróiyár éçe zailé, tói Resource Consultant wá the Referral Source óibo. Zodi fuwa wá fuwain dekbál goróiyár éçe no zailé, the Referral Source uggwá Family Infant Child Consultant, uggwá Ontario Autism Program ór esthaf membór, yáto uggwá KidsAbility elaj goróiyá óit fare.

Iyan ekkán tobdilir karwaiyit óide ahám tinnán jiníc ókkol ór liís.

1. The Referral Source oñnoré uggwá elekthroník malumaat cíyar goríbar rezamondi fórom ót sáin goribélla hoibo ziba oñnor fuwa zaibode eskul ór boóudh ór bútoire héfazot or sañte ar elekthroník váfe cíyar goriboo. Ibá eskulot dahála loibar agor bosór Nowambor macór foillár mikka óit fare.
2. School Board Consultant reputh or duwara ar oñne rezamondi diyódé ejénsi ókkol loi hotá honór duwara oñnor fuwar mutallék malumaat zoma goríbo.
3. Zodi zorurot óile, malumaat ókkol cíyar goribélla ar Sépthembor macót súndor gorí cúru goribár plán ólla eskulot uggwá Transition to School mithíng gorá zait fare. Tobdili mithínguúdin cúru óibar agor mousóm ót ar táitai cít or cúru mouúsóm ot oó, ar íba fún, vídu konferéns ór duwara, yáto nizebaze hañzir oibar uore óit fare.

Eskul ot Dahalá loibar Monsuba gorá

Malumaat Rezamondi Fórom – The Referral Source ekkán mahfúz, elektroník pláthfóom ór duwara buniyadi malumaat eskul boodh ót cíyar goribélla maa-baaf/kanuni murobbittú rezamondi, ar fún ór duwara zubani malumaat ar oñnor fuwa loi cámel asédé koumi ejénsi ókkolór dormiyan or lekáiyá reputh ókkol saibo. Malumaat ót camel asé: oñnor fuwar nam, thíkana, oñnor koumi eskul, oñnor fuwa haásél gorédé sewá ókkol ar zaré fórom wá foñsaá zaibo. Oñnor ejazot loi, oñnor fuwar zankarir repouth, modotor plán, cókti, ar zoruriyat ókkol cíyar goribou. Malumaat cíyar gorár rezamondi

fórom wá oñnor fuwa dahála loiyédé éçe eskul boudh loi cíyár goríbo. Meérbánigorí nuth goró:

Eskul boudh óre jari goijjéde fórom ókkol eskul estháf, há s talimí esthaf yáto munaséf eskul esthaf membór ókkol loi cíyár gorít fare. Zodi zoruri buzá gelé tóile aró malumaat ar rezamondillá eskulor oinno esthaf or duwara ó oñnoloi konthék gorít fare.

Eskul Sístém ót Elaji Sewá ókkol – Zetará KidsAbility or torfottú sewá ókkol há sél gorér, elaji esthaf maa-baaf/murobbi ókkol ór fúañti, háwala dibar torika ar ehón deddé íyanottu elaj hondhilla forók óibo de yían arekmotta saá.

Malumaat Zoma gorá – School Board Consultants repouth ar háwalar guijja ókkol ar cóho dhoilla-bodhoillá guijja ókkol óttu malumaat zoma gorít fare. Itara eskul ókkol or uggwá fémilír hissá ar kindhargathen ciná-zanár furgrám ot oñnoloi hotá hoit fare. Honó honó haálot ókkolot, School Board Consultant oñnor fuware ítarár furgrám ot kíyal gori sait fare zodi oñnor fuwattu ítarar koumi eskul ot zaibellá honó tobdilir zorurot óo. Íyár baade School Board Consultant oñnor fuwa zaibode eskul ór prinsípál loi mutallek malumaat ókkol cíyár goribélla hotá hoibo..

Rejistrécón - Maa-baf/murobbi ókkol ítarar fuwaré kindhargathen ólla rejistrécón goríbo. Rejistrécón ór malumaat ólla, oñnor koumi eskul ot kool góro, Waterloo Region District School Board ór wébsáith ot zo) www.wrdsb.ca yáto Waterloo Catholic District School Board wébsáith www.wcdsb.ca (oñnor koumi eskul talac goribélla oñe [eçé o killík gorí](#)) faribá.

Oñnottu oñnor fuwar zormo sonod , véksín marar rekodh yáto Waterloo Region Health Department ór torfottú saridiyéde yíanor ciñçí, thíkanar sóbut ar WCDSB illá mutalléka Catholic Baptismal Certificate luwa zorurot óibo.

Maa-baaf ólla zetarár fuwain KidsAbility School ar ítarar koumi eskul duníyanót zaibo, maa-baaf/murobbi ókkol ollá zoruri de ki ítará fotti furgrám loi konthék goribo ar zanai dibo de ki ítarár fuwa dunwa furgrám ókkol ót córik oíbo.

Eskul Míthíng ókkol ót Tobdili – Uggwá Transition to School mithíng ór flán gorár sílsilat maa-baaf/murobbi ókkol óre konthék gorá zait fare. Mithíng ókkol fún yáto vídu konferéns ór duwara, yáto nizebaze hañzir oiyere óit fare. Meeting Coordinator zibá the Referral Source iba e iín ór entezam goríbo. *Baddiya: School Personnel óibo Meeting Coordinator zehón KidsAbility óibo the Referral Source.* Zodi mithíng eggwár entezam goillé, oñnor fuwar cókti ar zorurot ókkolor babote malumaat eskul thiim loi cíyár goríbo. (Tips for Parents soo)

Kessú fuwaindólla, School Consultant, the Referral Source, ar maa-baaf/murobbir

duwara thík gorá zait farede kii Transition to School ór zorurot náí. Oñne miliyóré fáisela goríba de ki eskul or loi hon hon malumaat ókkol cíyar goríba ar íínoré hondhillá cíyar goríba.

Zehón zorurot óíbo, Transition to School mithíng ókkol óíbo, maa-baaf/murobbi ókkol, eskul esthaf ókkol, eskul boudh esthaf ókkol, ar ehónor koumi nál gorí doiyá ókkol cámel óiyoré. *Meérbani gorí Nuth goró: KidsAbility elaj goróiyá ókkol aamtour or uore eí mithíng ókkolot córik no takebou..*

Maa-baaf/murobbi ókkol eskul ot beraibár entezam or babote fusálloi faríbo.

Eskul Mithíng ókkol ót Tobdil ór Malumaat

Mithíng ibá hoñtté oíbou?

- Zodi zorurot óo, Transition to School mithíng uúdin cúru óíbar agor moúsóm ót yáto cít or cúrur moúsóm ot oñnor fuwa Séptembor ot eskul cúru goríbar age oít fare.
- Baáz súrot ókkolot, zodi oñnor fuwar the Referral Source ekzon Resource Consultant, Autism Program esthaf membór, yáto uggwá Family Infant Child Consultant óile, ítara maa-baaf/murobbi ar eskul esthaf beggún zai farédé éndhilla uggwa tarík arde thaim entezam goríbo.
- Mithíng wá tokoribon 45-60 minít foijjonto jari táibo.

Mithíng ibár moksót ki?

- Oñnor eskul oñnoré estekbal goittó saar ar oñnore abbár yekin delaibélla acá goréddé ki oñnor fuwaré eskul or tortib ot gom gorí modot gorá zaibo.
- Mithíng ót córik óiyédé fottízon oñnor eskul or fúñwati oñnor fuwar kabelíyot, zoruriyat ókkol ar cóok ókkol or malumaat cíyar goríbo.
- Mili micí modot gorí flán gorá cúru óíbo zibá oñnor fuwa ré eskulot uggwá hamwar ar kamiyab cúru goribélla modot goríbar torika ókkol sinnó gorídibo..

Mithíng ibát hon hon táibo?

- Oñne táiba mithíng ót. (Meerbani gorí oñnor Meeting Coordinator loi nozorsáni goró oñne mithíng ót haré dawot di faríba.)
- Oñnor fuwa dekbál goróiyá, Resource Consultant, Family Infant Child Consultant, yáto Autism Program esthaf membór, ar School Board esthaf zetará oñnor fuware kindhergarthen ot modot goríbo úúne mithíng ót córik ói faribo.
- **Meérbani gorí Nuth goró:** KidsAbility Physiotherapists, Occupational Therapists, Speech-Language Pathologists, ar Social Workers, mithíng íín óre entezam ó noógore ar córik ó noibo, zodi eçé honó gunjáic, cúkcaikká haálot ókkol no táilé.

- Oñne mithíñg ot modot goróiya manúc aní faríba zennéki uggwá fémilí membór yáto uggwá fúñwáijja.
- Mithíñg ot oñnor fuwa ré no ainnyó. Oñne oñnor fuwattú nizor eskul ór manuíc ókkol loi mulakot goribélla oinno uggwá moukar babote fusár loi faribá.

Machthor ókkoloré egaza ítara bosór fúrafán foráibodé éndhilla honó kelás loi mokorrór gorí no dedé étolla, oñnor fuwar kindhargarthen or machthor mithíng ibát no aiít ó fare. Eskul or oinno manuíc ókkol éçe táibo ar ítarattu foror uggwá taríkhót oñnor fuwar babote malumaat nizor machthor loi cíyar goríbar mouka miliboó.

Oñne mithíng ólla ken góri toiyár óiba?

Oñnor fuwa loi ehón ham gorédé manúc ítarar loi hotá hó.

- Ítara oñnoré modot gorí faribo! Mithíng ót oñnor fuwar babote beggúnóre hoibar uggwá mouka oñnottú milíbo. Íba becí lamba thaim noóibo kiyollá hoile beggúnóttú hotá hoibar uggwá mouka lage, mogor íbá mithíng or ekkán becí ahám híssá óibo.
- Oñne mithíng ót kessú loijai faribá ziyán oñnor fuware beggún lói forisoí gorái debélla modot goríbo. Mesál hísafé, oñne beggún óré ekkán fothú yáto uggwá "All About Me" pekéj dehái fariba.
- Oñne eskul óre fúnaito soodé éndhilla ahám poínth ókkol ore flán goró ar oñnor fúañtí loizaibélla iin óre lekí rakó zene oñnottú iin fusár loité no foraa.
- Zodi oñnor fúañtí oñnor uggwá fémilí membór yáto fúñwáijja táke, manuíc íbaré mithíng ór thaimót oñnor torfóttú kessú nuth gorí loibélla hoit faró.

Mithíng ór thaim ot ki óiboó de?

- Meeting Coordinator yáto School Principal beec híssa mithíng ór ráhbarí goré ar mithíng ór tofsil ókkolóre lon or bade fottizon or hañsé foñsái diyagiyéde yían fakka goré.
- Oñnor fuwa ré sinédé éndhillá fottizon, oñne uddá, oñnor fuwar babote késsu hoibélla uggwá baiththá háin faiba.
- Eskul or manuíc ókkol fúnibo ar súwal ókkol goríbo e harone ítará oñnor fuwaré buzá cúru goríbo.. Oñnor fuwar zoruriyat ókkol ór babote zeddúr faro éddúr imandarir sáñté hoyó kiyollá hoilé yían é eskul ore oñnor fuwaré modot gorí bellá gom gorí toiyari goribélla modot goríbo.
- Mithíng íbat késsu aiyérde tobka ókkol ór flán gorá zaibo, mogor becíssá tofsil adde ahéri flán ókkol mithíñg ibát no goríbo.
- Oñnore késsu fórom ókkol dostok goríbella hoit fare, zeén néki háwalar fórom ókkol addé rezamondi fórom ókkol.
- Suwal ókkol fusáloó ar nizoré nize váfíbella thaim doo zodi oñne honó aidhiya ókkol, aroz ókkol, yáto flán ókkol ór babote fakka no óilé.
- Aiyérde hoyek mac ór bútoire oñnottú zodi honó suwál ókkol táile oñne zar fuañtí konthék gorít faro íbaré sualgoró.

Uggwá 'All About Me' cónço kitab ot añttu ki ki camel gorón foribo?

Malumaat camel gorít faribo:

- Oñnor fuwar ekkán fothú
- Fémilí, báí-boin ókkol, falede januwor ókkol ór babote malumaat
- Fuwar nozoriyar torfottú hotá ókkol
- Manúíce añaré boyan goribélla boli hoodé hotá ókkol (mesál hísafé: kúcií, mozadar, hokum goroiyá, mezazola)
- Ze jiníc ókkolot añni asóle gom (zen néki añar fosónor jiníc ókkol, haás cóouk ókkol)
- Añar celénc ókkol (mesál hísafe: endhillá jiníc ókkol ziín añaré fikírmón goré yáto frecan goré)
- Hékmot ór ham ókkol ziín ham óo (mesál hísafé: tobdilir babote añare húñciyari dedé fothú ókkol, mathá thándha rakibélla modot gorédé asól lofzó ókkol)
- Oñnottú wakeyií zana zoruri dé éndhilla jiníc ókkol (mesál hísafe: elárjí ókkol, hánár sinta báfana ókkol, dabai ókkol)

Oñne ar oñnor fuwa e bosór ze jiníc ór entezar gorór.

Añni eskul ot hoñtté zai faijjúm?

- Jun mác ót yáto Ogós mác ór ahérí háftát berai bár babote doryaf goribélla Principal yáto eskul Secretary loi konthék goró.
- Háftar ahéróttu yáto eskul or thaim or baade, oñnor fuwain loi eskul ór kélar maçót beraitó zo ar noya eskul ot ki acá rakó yíánor babote hotá ho.

Muktosor lofzo ar Taárif ókkol

Nam	<u>Muktosor lofzo</u>	<u>Taárif ókkol</u>
Home and Community Care Support Services- Waterloo Wellington (Gór addé Koumi Dekbál Modot or Céba ókkol - Waterloo Wellington)	HCCSS	Ei fecáwariókkol oñnor sehét ar dabai gorár zorurot ókkol ór babote cek gorí zankari adde mocuwara de
Home and Community Care Support Services - School Health Support Services (Gór addé Koumi Dekbál Modot or Sewá ókkol – Eskul Sehét Modot Sewá ókkol)	HCCSS-SHSS	Home and Community Care Support Services - School Health Support Services (Gór addé Koumi Dekbál Modot or Sewá ókkol – Eskul Sehét Modot Sewá ókkol)
Full-Day Kindergarten (Fura-Din or Kindhargarthen)	FDK	Sair-adde-fañs-bosór or fuwaindóllá fuwaindór uore kendro gorí, torkir leház óttu munaséf, milai uggwá goijjá, lamba goijjá ciíkar din.
Individual Educational Plan (Ekzoinna Taalimor Plán)	IEP	Uggwá leikká IEP macthor ókkol ar maa-baaf ókkol ór duwara toiyár goráza uggwá fuwa ré eskul ot kamiyab ói bélla modot goribélla bolí.
Identification, Placement and Review Committee (Sinno gorá, Zaga diya ar Nozorsáni Komithí)	IPRC	Komithí ibá fakka gorédé uggwá fuwa ré Zugazuk, Fikrí, Jismani, Salsolon, bicí eriyá ókkol, ar sóbsé becí munaséf zagat gairmaamulir tour or uore zaga diya zaibo ne no zaibó.
Ontario Education Number (Ontario Taalimor Nombór)	OEN	Ibá oñnor fuwar sinnó gorár nombór zibá Ministry

		of Education óttu diya giyé ar ebteyayi addé midhél eskul ót oñnor fuwaré amól goribo.
Ontario Student Record (Ontario Forínna fuar Rekódh)	OSR	OSR oiyédé oñnor fuwar eskul or bosór ókkor thaimor taalimor torkir húfiyá rekódh. Maa-baaf, prinsipól ókkol ar macthor ókkol OSR ót Golibar ejazot ase..
Special Education Advisory Committee (Haás Taalim or Mocuwara doiya Komithi)	SEAC	Komithí ibá thrusthé ókkol adde eskul buúdh entezam oré haás taalimi furgrám ókkol ar sewá ókkol or babote mocuwara de.
Special Education Resource Teacher (Haás Taalim Guijjalir Macthor)	SERT	Macthor ibár hañsé haás taalim ot battí kabilyot ase ar íba oñnor fuwar zoruriyat ókkol óre fura goríbélla klásrúm macthor or fúñwatí ham goré.
Special Equipment Amount (Haás Sáman Thiñya)	SEA	SEA thíañdiya wá uggwá kabel fecáwarír torfóttú cúaric goijjá sáman ókkol kinibélla cuaricgoijje, zehón e sáman iín eskulot foróya fuwaindór kamiyabi óllá zoruri.
Transition to School (Eskul ót Tobdili)	TTS	Yíán malumaat or cíyar gorár ar toiyárir ham taaké fottí fuwattú kamiyabir fúñwati nizer noya eskul ot dahála óibélla modot mile.
Waterloo Catholic District School Board (Waterloo Catholic District Eskul Budh)	WCDSB	WCDSB Catholic Schools ór bútorór foróiya fuwaindór zoruriyat ókkol óre fura goríbélla furgrám ar sewá ókkol debólla bouli zubandiyé.
Waterloo Region District School Board (Waterloo Region District Eskul Budh)	WRDSB	WRDSB oilde haás taalimi furgrám ór buniyad eí fólsofár uore raká giyéde kii fottí foróiya fuwá faa zade éndhillá sóbsé becí faáida óla taalimi mahoul

		ót taalim hásél gorár hókdaar.
--	--	-----------------------------------

Nuth ókkol:

Oñnor fuwar eskul tobdilit modot goríbélla mili óre ham gorá!